

Cigaritsikut taamatullu cigaritsit kimmivikui utertittartussanngorlugit qularnaveeqquserneqartalernissaasa iluaqtissartai ajoqtissartaalu misissuivigeqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Misissuinerup inerneru Inatsisartunut saqqummiuteqquneqarpoq kingusinnerpaamik UKA 2020-mi ataatsimiiinneq aallartippat.

(Inatsisartuni ilaasortaq Justus Hansen, Demokraatit)

Akissuteqaat

(Naalakkersuisut Siulittaasuut)

Siullermeerneqarnera

Naalakkersuisut sinnerlugit Inatsisartuni ilaasortaq Justus Hansen, Demokraatit, aalajangiiffigisassatut siunnersuuteqarnera pillugu qutsavigaara. Cigaritsit kimmivikui cigaritsikulluunniit tamaangaannaq igitat aaqqittarialimmik avatangiisinut ajornartorsiortitsimmata Naalakkersuisuniit isumaqataavugut.

Ullumikkut cigaritsit kimmivikui igitassani, inunnit tamaangaannaq iginneqartussatut akuerisaasunit kisiartaasut oqartoqarpoq. Ajoraluartumik pujortartortorpassuit akornanni cigaritsikunik aqqusinernut, kuuffeqarfinnut pinngortitamulluunniit eqqaaginnartarneq ileqquuvoq aalajangersimasoq. Kisiannili tamanna allanngoriartortoq malunnaateqarpoq.

Paasititsiniaanerni inuinnaallu suliniutaanni amerlasuuni cigaritsikut pinngortitamiit peerneqarnissaannut aammalu pujortartartut eqqaavinnik atuilernissamut kajumissaarneqarnerinut tunngasuupput. Aasaq manna inuusuttuaraq franskeq inuinnaat attaveqaqatigiittarfii aqutugalugit puiaasat cigaritsikunik immerneqartarnissaannik tamanut kajumissaarinermini iluatsitsilluarpoq. Aamma inuppassuit cigaritsikut katersukkatik assilillugit cigaritsikullu pillugit oqariartuuteqarlutik ingerlatitseqqittarput. Cigaritsikut mingutsitsinerat akuerisaarunnaariartortoq pillugu akerliunermik ingerlatsisoqartoq malunnarpoq.

Suliassaqarfimmi tassani isummanik allanngortitsiniarnermik siuarsaanissamut aamma pisortat akisussaaffeqartut Naalakkersuisut tungaanniit isumaqarpugut. Cigaritsikunik pinngortitamut eqqaanerup kingunerluutissai pillugit innuttaasunut paasititsiniaanissamut periarfissaqarpugut. Cigaritsikut akuutissanik ajoqusiisartunik aniatitsisarput, aammalu pinngortitaq plastikkitt sequnnerinik, uumasunut ajoqutaasunik mingutsittarpaat. Cigaritsikut pinngortitamik isigiuminaallisitsisarput aammalu saliisarneq ajornakusoorpoq akisullunilu. Eqqaavinnut iginneqartarnissaannut nunamullu igiinnarneqartannginnissaannut tunngavissat amerlapput.

Aalajangiiffigisassatut siunnersuummut Naalakkersuisut paasinnipput. Utertitsisarnertut ittumik aaqqiissutissaq nutaaq cigaritsikut ajornartorsiutaaneramik pilertortumik aaqqiissutaasinnaanersoq misilissallugu ussarnartorsiornarpoq. Aaqqiissutissaq taanna nunarsuarmi sumiiffinni arlalinni eqqarsaatigineqartarsimavoq, soorlu USA-mi naalagaaffinni arlalinni Tysklandimilu. Danmarkimi partii Alternativet utertitsisarnermik siunnersuuteqarpoq.

Puiaasanut qularnaveeqqusiisarnerput utertitsisarnerpullu ingerlalluarpoq. Puiaasat atoqqinneqarsinnaagamik utertinneqartarnerat isumaqarluarpoq. Cigaritsit kimmivikui allaapput. Cigaritsit kimmivikui eqqaavinnut iginneqartussaapput aammalu angerlarsimaffinnit eqqakkatut nalinginnaasutut iginneqartussaallutik. Taamaattumik Naalackersuisut isumaqarput, cigaritsikunut qularnaveeqqusiisarnermik utertitsisarnermillu annertuumik pilersitsinissaq naapertuutinngitsoq. Utertitsisarneq allaffissormikkut oqimaatsuvoq, aammalu atortunik eqqortunik, taamaalillunilu cigaritsit kimmivikuisa assaannaat atorlugit suliarineqartarnissaannik ineriartortitsisoqarnissaa pisariaqarpoq.

Aamma utertitsisarnermik pilersitsinermi meeqqat pissakinnerusullu cigaritsikunik nutaangitsunik katersuisalernissaat Naalackersuisunit annilaangassutigineqarpoq. Tamanna peqqissutsimut unammillertitsisinnaavoq, kisiannili aamma inersimasut cigaritsit kimmivikuinik mingutsitsinerannut meeqqat akisussaatinneqalernissaat tunngaviummik naapertuutinngilaq. Tamatumunnga taarsiullugu ajornartorsiutip sorlaa sorsuffigissavarput. Pujortartartut tamarmik cigaritsit kimmivikuinik eqqaavinnut igitsisalernermikkut akisussaaffimminnik naammassinninnissaat sulissutigissavarput.

Naalackersuisut suliassaqarfik pillugu paasititsiniaanernik ingerlatsererput. Paasititsiniaaneq Qujanaq aqqutigalugu kikkut tamarmik eqqaavimmik atuinerannut qutsavigineqarput, aammalu inersimasunut arsakooffinnik kaasarfimmioortakkanik agguaasoqarpoq. Paasititsiniaaneq Pinngortitap Paarsisui aqqutigalugu kikkut tamarmik Pinngortitap Paarsisuisulli pinngortitamik paarsinissaat aallunneqarpoq. Tassani arsakooffinnik kaasarfimmioortakkanik agguaasseqqinnissaq, taamaalillunilu cigaritsit kimmivikuinik aqqusinernut pinngortitamulluunniit eqqaaginnarnissamut utoqqatsissutaarunnissaq suliniuterpassuit ilagissavaat. Nunap sumiiffinni assigiinngitsuni eqqagassalerinermi sapiitsuliortunik, tunniusimanerminnik tuniluutsitsisunik peqarpugut. Eqqagassalerinermi sapiitsuliortut taakku tapersersussavagut, aammalu kulturimik, cigaritsit kimmivikuinik eqqagassanillu allanik eqqaavimmut igitsisarnermik nalinginnaalersitsiviummik pilersitsissaagut.

Paasititsiniaaneq isummanillu allangortitsiniarneq taamaattoq annertusisariaqaripput Naalackersuisut isumaqarput.

Tamanna tunngavigalugu Naalackersuisut allanguutissatut siunnersuummik imaattumik saqqummiussipput:

”Cigaritsit kimmivikui tamaangaanaq iginneqartartut ikilisinniarlugit suliniutinik sunik, tassungalu ilanngullugu cigaritsit kimmivikui utertittartussanngorlugit qularnaveeqquserneqartalernissaannik misissuineramik aallartitsisoqarnissaa pillugu Naalackersuisut peqquneqarnissaannut aalajangiiffigisassatut siunnersuut. Misissuineq kingusinnerpaamik UKA2020-mut atatillugu Inatsatsisartunut agguaanneqassaaq.”